

阿毗曇毗婆沙論卷第七十五 隱五

迦旃延子造 北涼沙門浮陀跋摩共道集譯

智捷度他心智品第二

云何他人心智云何念前世智如是章及解
章義此中應廣說優婆提舍問曰彼尊者迦
旃延子何故依二智而作論答曰彼尊者有

如是欲如是意隨其欲意而作論亦不違法
相彼意欲因二智而作論即論二智謂他心
智念前世智意欲論二智故餘處亦因二智
而作論如根捷度中論法智比智餘處亦因
二智而作論如定捷度論盡智無生智餘起
意欲論四智即因四智而作論如根捷度論
苦集滅道智如說若苦智是苦無漏智耶乃
至若道智是道無漏智耶餘處意欲論八智
即因八智而作論如使捷度定捷度智捷度
所說餘處意欲論十智即因十智而作論如
說眼根以幾智知猶如善巧陶師先調柔泥
團安置輪上隨其欲意作種種器彼尊者亦

亦以聞思慧觀察法相斷緣中愚故隨其欲
意造論亦不違法相復次此二智以離欲得
方便得體是修慧亦是通體是四枝五枝禪
果故復次此二智體是智性見性復次以此
二智各緣一世他心智緣現在世念前世智
緣過去世若作是說念前世智是有漏無漏
者應作是說以此二智是有漏無漏故

云何他心智答曰若智是修是修果從修生
得不失是修者體是修果修果者是四枝五
枝禪果從修生者修習故得不失者得不捨
問曰何故不說已得當得者但說今得耶答
曰應說而不說者當知此說有餘復次若得
此智名得通者名知他心者是中說之非已
得當得者以失故以此智知他心所覺所觀
所行所覺者是欲界初禪所觀者是中間禪
所行者是上三禪復有說者所覺是欲界初
禪所觀者從欲界乃至中間禪所行者從欲
界乃至第四禪問曰他人心覺觀緣色時他

心智亦知他心所緣色耶答曰外國法師經文作如是說若智知欲色界現前他人心心數法及無漏心是名他心智問曰爾實沙門何故不作如是說耶答曰亦應作如是說而不說者有何意耶答曰言所覺所觀所行者說其體不說所緣處心心數法如實知之心

隱五

二

者是心數法者是數法如實知之者是說知境界應說一知他心智謂知他心智通應說二謂知有漏無漏及縛解繫不繫應說三謂上中下應說四謂四禪果應說六謂有漏上中下無漏上中下應說八謂四禪有漏無漏應說九謂下下乃至上上應說十二謂四禪中各有三種謂上中下應說十八謂有漏有九種無漏有九種應說二十四謂初禪有漏有三無漏有三乃至第四禪亦亦應說三十六謂初禪有九種乃至第四禪有九種應說七十二初禪有漏有九種無漏有九種乃至第四禪亦亦若以在身若在剎那則有無量

無邊他心智此中摠說一種他心智而作論問曰他心智體是何耶答曰體是慧

已說體性所以今當說何故名知他心智答曰知他心故名知他心智問曰亦知數法何故但名知他心耶答曰以期心故行者期心勤修方便欲知他心不期數法亦知數法故名知他心智如人求見於王不求見眷屬若見王時亦見眷屬彼亦如是復次諸法立名各有所以或以自體或以對治或以方便或以相應或以所依或以所行或以所緣或以行以緣以自體者如五陰四諦等智是也餘解廣說如上

隱五

三

界者有漏是色界繫無漏是不繫問曰何故無色界無他心智耶答曰非其因故乃至廣說復次他心智因色故生無色界無色地者是四根本禪地不在諸邊無色地問曰諸邊中何故無知他心智耶答曰此是通若有三昧能生通果則有此智諸邊中無此定故問

曰中間禪心以何知他心智知耶答曰或有說者以初禪地者知復有說者以二禪地者知評曰應作是說以初禪地者知所以者何是一地法故所依者依欲色界身行者無漏者行道等四行有漏者不行行緣者初禪地者緣欲界初禪二禪地者緣欲界乃至第二禪第三禪地者緣欲界乃至第三禪第四禪地者緣欲界乃至第四禪他心智不知無色界問曰何故他心智不知無色界答曰他心智不知上地法初禪他心智不知第二禪心乃至第三禪他心智不知第四禪心問曰生欲色界起無色定現在前他心智能知彼心心數法不耶答曰不知所以者何如果時不知因時亦念處者是三念處除身念處智者是四智謂法智比智道智等智三昧者無漏者與道無願相應有漏者不與相應根者摠與三根相應謂樂喜捨根世者在三世緣三世者過去者緣過去現在者緣現在未來不

生者緣三世必生者緣未來善不善無記者是善緣善不善無記者緣三種三界繫及不繫者有漏是色界繫無漏是不繫緣三界繫及不繫者緣欲色界及不繫是學無學非學非無學者是三種緣學無學非學非無學者盡緣三種見道斷修道斷不斷者有漏者是修道斷無漏者是不斷緣見道修道不斷者盡緣三種緣名緣義者是緣義緣自身他身及非身者緣他身是方便得離欲得者是方便亦是離欲初禪者離欲界欲得乃至第四禪離三禪欲得方便者以方便現在前佛不以方便現在前辟支佛以下方便聲聞或以

應五

甲

觀何所分別作是思惟時如實知之此衆生如是思惟如是分別名他心智滿足集法經亦說他心智方便云何答曰觀五取陰是苦空無常無我作如是觀無漏智問曰如他心智緣四諦智何故但說緣苦智者耶答曰應說盡緣而不說者當知此說有餘復次此說初起入法方便若說緣苦智當知亦說緣餘智問曰前方便此後方便有何差別耶答曰前所說方便至有漏無漏此所說方便一向是無漏復次後方便勝妙明淨勝前方便問曰若眼不見色爲能知他心不耶答曰能知以耳聞其聲故若眼不見色耳不聞聲爲能知他心不耶答曰知以鼻嗅其香故若眼耳鼻不見色聞聲嗅香爲能知他心不耶答曰知以舌知味故若不見色聞聲嗅香知味爲能知他心不耶答曰知以身觸故若不見色乃至身不覺觸爲能知他心不耶答曰或有說者不知所以者何以他心智因色故評

隱五

五

曰應作是說方便時不知滿足時能知問曰何故他心智方便時因色生耶答曰因鹿得入細故他心智方便時緣自己滿足時不緣自己問曰何故他心智方便時緣自己滿足時不緣自己耶答曰他心智不緣他心所緣所行若他心智緣他心所緣所行者亦可名自心智

本曾所得有漏心心數法十五種欲界有三種謂上中下乃至第四禪亦有三種初禪地下有漏他心智知欲界三種心心數法及知初禪下有漏心心數法中者知欲界三種知初禪下中二種上者知欲界三種初禪三種如初禪乃至第四禪上者知十五種如本曾起有漏心有十五種未曾得有漏心亦有十五種無漏心有十二種初禪地有三種謂上中下乃至第四禪亦亦第二禪地下無漏心心知初禪地下無漏心亦知二禪下者第二禪中者知初禪第二禪下中二種上者知初禪

二禪下中上三種知第二禪乃至第四禪上者知十二種無漏心心數法問曰何故下有漏他心智知下地三種及自地下者無漏下他心智知下地心心數法及自地下者非中上耶答曰有漏心心數法異無漏心心數法異一身中可有三種有漏心心數法無漏心心數法以根故別若是下根則無中上根乃至若是上根則無中下根

他心智不知勝地勝根勝人心勝地者初禪地他心智不知第二禪地心心數法乃至第三禪地不知第四禪地心心數法勝根者下根他心智不知中上根心心數法勝人者學人他心智不知無學人心心數法問曰一切無學人他心智盡知學人心心數法耶答曰不知時解脫不知見到心見到不知時解脫心所以者何見到於時解脫根勝故時解脫於見到人勝故問曰學人起第二禪心現在前無學人起初禪心現在前為展轉相知不

應五

六

答曰不知所以者何無學人於學人人勝學人於無學人地勝聲聞起第二禪心心數法現在前佛起初禪心心數法現在前為展轉相知不答曰不知所以者何佛於聲聞根勝聲聞於佛地勝欲界有四種變化心謂初禪果乃至第四禪果初禪地他心智為知此四種心不答曰或有說者知所以者何盡是欲界心故復有說者唯知初禪果餘則不知所以者何如不知因果亦不知是佛所有無漏心及未曾得有漏心無有他心智能知者已曾得有漏心佛欲令他知則知若佛欲令鈍根者知利根者不知鈍根者則知利根者不知佛欲令薩波達知舍利弗不知薩波達則知舍利弗不知欲令畜生得知人不知者畜生則知人不知何以知之有經說佛住那提迦夜城矜迦精舍時衆多比丘置鉢在露地及卅尊鉢亦在露地尔時有一獼猴從娑羅樹下往詣衆多鉢所時諸比

丘恐破鉢故皆共遮之。尔時世尊告諸比丘
 汝等莫遮此猕猴不破汝等鉢也。尔時猕猴
 取世尊鉢徐還上樹盛滿流蜜以奉世尊。世
 尊不受以雜蟲故。尔時世尊起世俗心欲令
 去蟲。是時猕猴即知佛意却在。一面除蜜中
 蟲。復上世尊。世尊不受。以未作淨故。世尊復
 起世俗心。若此猕猴以水作淨者。我則受之。
 是時猕猴即知佛心以水作淨。佛便受之。以
 其淨故。尔時猕猴以世尊受其蜜。故心生歡
 喜。踊躍無量。起舞却行墮坑而死。得生人中。
 於佛法出家。得阿羅漢道。名摩頭婆。肆吒以
 是事故。尊者波毗奢作偈讚佛。

欲令人天知佛心 隨其所念皆能知
 若入諸禪深妙定 無有能知佛心者

問曰佛為得知佛心他心智不耶。答曰或有
 說者不得所以者何。世無二佛。故復有說者
 得以能緣故。不以起現在前。辟支佛如渴伽
 獸角獨出世者。與佛無異。若作是說。衆多出

世者有緣辟支佛心他心智亦能緣亦能起
 現在前。聲聞有知聲聞心他心智亦能緣亦
 能起。現在前。佛所有無漏心及未曾得有漏
 心無色界心無有他心智。能知此心者。衆生
 或有生有滅。生者生欲界色界衆生及生無
 色界。凡夫人為當得他心智不耶。答曰以二
 事故當得一以能緣二以現前行滅者生無
 色界聖人若涅槃者為當得他心智不

答曰不當得。復有說者當得以能緣故。不以
 現前行評曰不應作是說。當得不現前行寧
 當說不得不當說得不現前行有境界是
 佛他心智所知非辟支佛聲聞所知有境界
 是佛辟支佛他心智所知非聲聞所知有境
 界是佛辟支佛聲聞他心智所知如經說比
 丘當知雪山中有如是處。猕猴所不能行人
 亦不能行。有處所。猕猴能行人不能行。有處
 所。猕猴能行人亦能行。雪山猶如境界。猕猴
 如辟支佛人如聲聞如是之義。今當顯現見

道有十五心他心智知相似法有漏者知有漏無漏者知無漏已曾得者知已曾得未曾得者知未曾得法智分者知法智分比智分者知比智分聲聞人他心智見道中知二心辟支佛知四心佛一一次第知所以者何辟支佛聲聞以方便現在前佛不以方便現在

隱五

前行者入見道作方便聲聞人為法智分他心智作方便行者已入見道聲聞起法智分他心智現在前能知行者二心謂苦法忍苦法智行者入比智分聲聞人為比智分他心智作方便行者已入比智分聲聞人起比智分他心智現在前欲知苦比忍乃知道比智行者為見道作方便辟支佛為法智分他心智作方便行者已入見道辟支佛起法智分他心智現在前知行者二心謂苦法忍苦法智行者入比智分辟支佛為比智分他心智作方便行者已入比智分辟支佛起比智分他心智現在前欲知苦比忍乃知滅比忍滅

比智佛不以方便一切功德現在前如行者一一次第起見道現在前世尊以他心智一一次第而知

佛於三種道以摠相知亦以別相知辟支佛亦知三種道於聲聞辟支佛道以摠相知別相知於佛道以摠相知不以別相聲聞亦知三種道於聲聞道以摠相知別相知於辟支佛佛道以摠相知不以別相問曰聲聞見道諦時為見辟支佛佛道不若見者他心智何故不知若不見者云何得緣彼不壞信耶答曰應作是說見問曰若然者他心智何故不知耶答曰以摠相知見他心智是別相知故一衆

隱五

九

生所有他心智知一切衆生心心數法智時為知受體為知受諸刹那耶若但知受體者諸餘受不被知者云何知耶若知受諸刹那者云何自身非衆多耶自身衆多者我他心智體有二十一種知一衆生一刹那受如一刹那受餘一切刹那受亦亦如受刹那餘心

心數法刹那亦亦如一衆生心心數法餘衆生心心數法亦亦我他心智俱心心數法則多一切衆生如我心心數法多所依身亦應多答曰應作是說知受體問曰若然者餘所不知受云何知耶答曰若知餘受無有是處知時唯知所知者復有說者知受諸刹那問曰若然者云何自身非衆多耶答曰多有何過所以者何如我他心智體有二十一種知一切衆生心心數法一切衆生他心智體亦有二十一種知我心心數法是故無過問曰他心智爲緣過去緣未來緣現在耶答曰緣現在問曰若然者經本所說云何通如說過去未來法九智知答曰經本應作是說過去未來法八智知除滅智他心智而不說者有何意耶隨緣故說過去者緣過去未來者緣未來若如所說他心智知三刹那謂知現在刹那次前滅者次當生者經本應作是說問曰他心智爲緣一法爲緣多法耶若緣一法

經所說云何通如說有欲心如實知有欲心若一時知欲亦知心者豈非知多法耶餘經所說復云何通如說當世尊憶念時遍知衆僧心之所念若緣多法者云何體是三念處耶答曰應作是說緣於一法問曰若然者佛經云何通如說如實知有欲心答曰心與欲相應故名有欲心若知欲不知心若知心不知欲如觀垢衣若觀垢則不觀衣若觀衣則不觀垢彼亦如是餘經復云何通如說世尊當憶念時遍知衆僧心之所念答曰以比相知非以他心智世尊以他心智觀一比丘心住寂靜道次以比相智知諸比丘心亦亦復有說者世尊不以他心智知亦不以比相智知乃以願智知復有說者世尊不以他心智比相智願智知世尊得盡智時得未曾得欲界不隱沒無記心心數法亦不入禪亦不起通現在前當憶念時遍知諸比丘僧心復有說者知多法問曰若然者云何體是三念處

隱五

十

耶荅曰初方便時是三念處通若滿足是摠緣法念處評曰應作是說一切他心智緣一法是別相觀緣現在緣他心心數法見道中無在修道中不與空無相三昧相應不攝盡智無生智無礙道中無他心智法應如是云何念前世智荅曰若智是修是修果從修生得不失以此智憶念過去無數生如是相貌是名念前世智是中問荅廣說如他心智云何如是相如是貌荅曰如是相者是前時有如是貌者是中有復有說者如是相是中有如是貌是前時有所以者何前時有可示此是利利婆羅門毗舍首陀差別貌如經說佛告阿難若有如是相如是貌施設者名色身若無如是相如是貌可施設有對觸不荅言不也彼經說內入是相外入是貌復有說者彼經說內入是貌外入是相所以者何以內入故說諸識根差別如說除上介所事是中無如是相貌是以除之如說若以如是相

隱五

士

如是貌入初禪如是相者是方便如是貌者是所緣如偈說若成就八智 十六行相貌 如閻浮檀金無能說其過是中說慧名相貌過去無數生者是說念前世智境界應說一念前世智得念前世智通念前世明念前世力應說二謂已曾得未曾得應說三謂上中下應說四謂初禪果乃至第四禪果應說六已曾得有三種未曾得有三種謂上中下應說八初禪地有二種謂已曾得未曾得乃至第四禪地亦是應說九謂下下乃至上上應說十二初禪有三種謂上中下乃至第四禪亦是應說十八謂已曾得有九種未曾得有九種應說二十四初禪有六種謂已曾得有九種未曾得有九種乃至第四禪亦是應說三十六初禪有九種乃至第四禪亦是應說七十二初禪已曾得有九種未曾得有九種乃至第四禪亦

如是若以在身若在刹那則有無量無邊念
 前世智此中因摠說一念前世智而作論問
 曰念前世智體性是何答曰體性是慧以念
 力多故名念前世智如念處體性是慧以念
 力多故名念處如阿那波那念體性是慧以
 念力多故名阿那波那念憶前生念體性是
 慧以念力多故名憶前生念除色想體性是
 慧以想力多故名除色想如是念前世智體
 性是慧以念力多故名念前世智此是念前
 世智體性乃至廣說

已說體性所以今當說何故名念前世智答
 曰念前世五陰故名念前世智

界者是色界問曰何故無色界中無念前世
 智答曰非其界故乃至廣說復次念前世智
 因色生無色界無色故無地者在根本四禪
 地非諸邊無色中所以者何若有通所依定
 處是處有念前世智諸邊無色中無通所依
 定故無念前世智問曰以何地念前世智念

隱五

十一

中間禪耶答曰或有說以初禪者復有說以
 第二禪者評曰應作是說以初禪者所以者
 何同一地故所依身者依欲色界身行者無
 所行緣者初禪念前世智知初禪及欲界前
 生五陰乃至第四禪者知欲界乃至第四禪
 前生五陰不知無色界問曰何故名念前世智
 不知無色界耶答曰念前世智不知上地法
 初禪者不知第二禪前世五陰乃至第三禪
 不知第四禪前世五陰無色界中則無念前
 世智問曰生欲色界中起無色定現在前念
 前世智為能知不答曰不知所以者何如不
 知果因亦如是問曰若念前世智不知無色
 界者佛經云何通如說世尊於過去處處無
 數生若生有色無色有想無想過過去無數生
 有如是相貌盡能憶念問曰說何者是色何
 者非色答曰色者是前時有無色者是有中
 有問曰若然者聲聞亦能知與佛有何異復有
 說者色者是欲色界無色者是無色界問曰

若然者世尊云何知無色界耶答曰以比相
知問曰若然者聲聞以比相亦能知與佛有
何異耶答曰如外道觀前世事若於欲界色
界不見則言斷滅聲聞觀前世事若於欲界
色界中過二萬劫不見不言是衆生生於空
處而被衆生或於上地未盡其壽若過四萬

隱五

十三

劫不見者言是衆生生於識處而被衆生或
再生空處或於上地未盡其壽若過六萬劫
不見者言是衆生生無所有處而被衆生或
三生空處或一生半生識處或於非想非非
想處未盡其壽若過八萬劫不見者言是衆
生生非想非非想處而被衆生或四生空處
二生識處一生半生無所有處世尊若欲觀
無色界時衆生於欲色界中命終者觀其死
時心知是衆生生於空處是衆生生於識處
是衆生生無所有處是衆生生非想非非想
處是衆生盡壽是衆生不盡壽若於無色界
命終生欲色界者觀生時心知是衆生從空

處死乃至從非想非非想處死是衆生盡彼
壽是衆生不盡彼壽外道比相智見於斷滅
聲聞比相智所知或如其事或不如其事佛
世尊比相智知明淨妙好悉如其事無有虛
者念處者是摠緣法念處尊者瞿沙說是四
念處如所說念前世苦樂事若念苦樂豈非
是受念處耶答曰前世時或曾得樂所須具
苦所須具念是事故作如是說而實是摠緣
法念處智者是等智者瞿沙說是六智除
他心智滅智所以除他心智者以緣現在故
所以除滅智者以緣無爲故評曰應作是說
是一等智三昧者不與三昧相應根者摠與
三根相應世者在三世緣三世者過去現在
者緣過去未來者緣三世善不善無記者是
善緣善不善無記者緣三種三界繫者是色
界繫緣三界繫者緣欲色界是學無學非學
非無學者是非學非無學緣學無學非學非
無學者緣非學非無學是見道斷修道斷不

斷者是修道斷緣見道斷修道斷不斷者緣見道修道斷緣名緣義者緣名緣義緣自身他身非身者是緣自身他身是離欲得方便得者是離欲得亦以方便離欲時得方便起現在前初禪者離欲界欲得乃至第四禪者離三禪欲得聖人佛法凡夫得本曾得未曾

隱五

十四

得念前世智外道凡夫得本曾得念前世智離欲時得方便起現在前佛不以方便起現在前辟支佛以下方便聲聞或以中或以上方便問曰念前世智方便云何答曰如施設經說初行始入法者取次前滅意識相念已知之復取又滅意識相問曰取又滅意識相為以時為以刹那耶答曰以時若以刹那者則不能念半便死可是方便無滿足者取此生老時相念已知之次取中年時相次取少年時相次取童子時相次取嬰孩時相次取波奢佉時次取健那時次取卑尸時次取阿浮陀時次取迦羅羅時相念已知之次取欲入

母胎時心相念已知之是名念前世智滿足不應作是說所以者何中有中死次入母胎中有即屬此生評曰應作是說若能念知前世死時最後一刹那者是名念前世智滿足問曰欲修念前世智時為緣自身為緣他身答曰或有說者緣自身問曰若然者無色界命終者則不可亦復有說者緣他身評曰應作是說緣自身亦緣他身緣自身作方便若自見從無色界命終者則緣他身令得滿足若緣他身作方便見他從無色界命終者則緣自身令得滿足是故緣自身他身修念前世智令得滿足

十五末

阿毗曇毗婆沙論卷第七十五

隱五

陶師

上音桃燒

厨賓

上居例

嗅

許

矜

迦

上居反

盛滿

上音成貯也

貌

兒

嬰孩

曰嬰孩

上音成貯也

貌

兒

嬰孩

上音成貯也

曰